

"Pinnguaatit aningaasanoorutit" pillugit Namminersornerullutik Oqartussat nalunaarutaat

Aningaasanik ikisilluni pinnguaatinut akileraarut pillugu Inatsisartut inatsisaanni nr. 3-mi 17. maj 1990-imeersumi, kingullermik Inatsisartut inatsisaatigut nr. 15-ikkut 3. november 1994-imeersukkut allangortinneqartumi, § 14, imm. 1 aamma § 15, imm. 2 naapertorlugit aalaja-ngersarneqarput:

Kapitali 1

Aggortitsineq

§ 1. Aningaasaasanik aamma/imaluunniit pointinik "pinnguaatit aningaasanoorutinit" eqquinikkut pissarsianik aggortitsisoqarsinnaavoq taarsiinermi ataatsimi 1.500 kr.-t angullugit.

Imm. 2. Imm. 1 malillugu aningaasaasanik aamma/imaluunniit pointinik "pinnguaatit aningaasanoorutinit" eqquinikkut pissarsiat suliffeqarfimmi eqquiffusumi nioqqutissanngorlugit pineqarsinnaapputaaq.

§ 2. Aningaasaasat aamma/imaluunniit pointinik "pinnguaatit aningaasanoorutinit" eqquinikkut pissarsianik aggortitsisussaq tassaavoq aningaasanik ikisilluni pinnguaammik ikkussinissamut akuersisummik piginnittoq, eqquiniaasitsinermi akileraarutit pillugit Inatsisartut inatsisaat naapertorlugu tassaasoq eqquiniaasitsisoq.

Imm. 2. Aningaasaasanik il.il. aggortitsineq "eqquiniarnernut", "pinnguarnernut" il.il. naligitinneqassaaq.

Imm. 3. Aggortitsinermi tamani aningaasaasat aggortitat nalingat "eqqukkanut", "eqqukkamut", "eqqukkallu nalinganut" il.il. naligitinneqassaaq.

Imm. 4. Aningaasaasanik il.il. aggortitsinermik nalunaarutiginninnermi "pinnguaatit aningaasanoorutinit" eqquinikkut pissarsianik aggortitsineq pillugu allaffissiaq Akileraartarnermi Pisortaqqarfimmit suliarineqarsimasoq nassiunneqassaaq.

Kapitali 2

Qassinik ukioqarnissamik piumasarisaq

§ 3. Aningaasanik ikisilluni pinnguaammik ikkussinissamut akuersisummik piginnittoq "pinnguaatit aningaasanoorutit" ikkussorneqarsimasut qanittunnguani isersimasut takulertorsinnaasaanni allagartaliissaaq, tassuuna takuneqarsinnaanngorlugu "pinnguaatit aningaasanoorutit" 18-inik ukioqalersimannngitsunut atoqqusaannginnerat.

Imm. 2. Aningaasanik ikisilluni pinnguaammik ikkussinissamut akuersisummik piginnittoq pisussaavoq inimi "pinnguaatit aningaasanoorutit" ikkussorneqarsimasut 18-inik ukioqalersimannngitsunit atorineqannginnissaanut qulakkeerinissamut.

Kapitali 3

Allagartanik uppersaatissaqarmssamut pinnguarnerrullu qanoq aaqqissuussaanissaanut piumasarisat

§ 4. Aningaasanik ikisilluni pinnguaammik ikkussinissamut akuersissummik piginnittup kingusinnerpaamik "pinnguaatip aningaasanoorutip" ullormi ikkunneqarfīgisaani "pinnguaat aningaasanoorummik" inissini uppersaatissaqartissinnaassavaa Dansk Teknologisk Institutimit, Force Institutinit imaluunniit laboratoriamit akuerisaasumit allamit nalunaarummik.

Imm. 2. Nalunaarutip imm. 1-imi taaneqartup uppersassavaa "pinnguaatip aningaasanoorutip" piumasarisani makkuninnga naammassinnissimane:

- 1) aningaasap ikisap periarnermi ataatsimi 1 kr. sinnersimassanngikkaa.
- 2) aningaasap ikisap aningaasanik pissarsissutaasinnaannginnissaa.
- 3) pinnguaat innaallagīaq atorlugu aqutaappat aningaasaasanik pissarsisitsissutaasinnaannginnissaa.
- 4) periarnermi ataatsimi eqqukat 750 koruuninit amerlanerusinnaannginnissaat.
- 5) eqqukat eqqugassat "pinnguaat aningaasanoorumi" allattorsimaffianniittunut naapertuuttuunissaat.
- 6) ilisarnaqutserneqarsimassasoq laboratoriamit akuerisamik, aserorneqartinnagu peerneqarsinnaanngitsumik, tassani allassimassallutik "pinnguaatip aningaasanoorutip" aqqa normualu kiisalu qaammat ukiorlu misilinneqarfia, aamma
- 7) indeksijuli imaluunniit atortut (komponentit) innaallagīaq atorlugu programminik aqutsisut laboratoriamit akuerisamit aqerlumik naqissuserneqarsimassasut qaammat ukiorlu misilinneqarfia nalunaarlugit.

Imm. 3. Imm. 2-mi, nr. 7-imi taaneqartutut komponentinik innaallagissamik atuisunik ikkussinermi aningaasanik ikisilluni pinnguaammik inissiinnissamut akuersissummik piginnittup imm. 1-mi taaneqartutut uppersaatissaqartissinnaassavaa "pinnguaat aningaasanoorumi" inissinneqartumi komponentimik innaallagissamik atuisumik ikkussinemp immi sunniuteqannginnissaa piumasarisani imm. 2-mi nr. 1-imit 4-mut taaneqartunik sumiginnaanissamut.

Imm. 4. Topspilinik imaluunniit fjernbetjeninginik ikkussinerni imm. 3-mi taaneqartut assigalugit komponentinik innaallagīaq atorlugu programminik aqutsisunik qarasaasiamullu programminik tamatumuunakkut ikkunneqartunik uppersaasiisoqarsinnaasariaqarpoq.

Imm. 5. Uppersaatit imm. 1-imi, 3-mi 4-milu taaneqartut aningaasanik ikisilluni pinnguaammik ikkussinissamut akuersissummik piginnittup paarissavai misissuisussaatitaasumilli takorusunneqarpatatakuteriaanaasariaqassallugit.

Imm. 6. Imm. 3-mi taaneqartunik komponentinik innaallagissamik atuisumik, "pinnguaatit aningaasanoorutinik" iluarsartuusinerit assigisaalluunniit saniatigut atortualunnik allanik ikkussinermi imm. 1 aamma 3 naapertorlugit uppersaaseqqiisoqassanngilaq.

Imm. 7. Nalunaarutinik imm. 1-imi, 3-mi 4-milu taaneqartunik pissarsiniarnermut takutitsinissamullu aningaasartuutit aningaasanik ikisilluni pinnguaammik ikkussinissamut akuersissummik piginnittup akilissavai.

§ 5. Aningaasanik ikisilluni pinnguaammik ikkussinissamut akuersissummik piginnittup "pinnguaatit aningaasanoorutit" ikkussorsimasani taakkunungalu topspilit fjernbetjeningillu ikkunneqarsimasinnaasut ilanngullugit § 4-mi, imm. 2-mi, nr. 1-imit 6-imut piumasarisani sukkulluunniit naammassinninnissaat akisussaaffigissavai.

Kapitali 4

Naatsorsuutit, paasisitsisussaassuseq nakkutilliinerlu

§ 6. Inini "pinnguaatit aningaasanoorutit" inissinneqarfigisaanni tamani aningaasanik ikisilluni pinnguaammik ikkussinissamut akuersisummik pigisaqartoq pisussaavoq "pinnguaatit aningaasanoorutit" atorlugit tunisat (aningaasat kaaviiartitat) Akileraartarnermi Pisorta qarfiup maleruagassiai malillugit naatsorsuusiornissamut.

Imm. 2. Aningaasanik "pinnguaatit aningaasanoorutit" ikisanik imaarsinerit tamaasa imaluunniit pinnguarnermut aningaasanik akiliutigineqartunik utertitsinerit tunisat allanneqartassapput naatsorsuutit imm. 1-imi taaneqartunut.

Imm. 3. Kvartalit 1. januar, 1. april, 1. juli aamma 1. oktober aallartittut naaneri tamaasa naatsorsuutit imm. 1-imi taaneqartunut allattorneqartut Akileraartarnermi pisorta qarfiup nassiunneqassapput. Naatsorsuutit Akileraartarnermi Pisorta qarfiup tiguneqareersimasassapput kingusinnerpaamik kvartalip naareernerani qaammatip tulluuttup naaneri.

§ 7. Akileraartarnermi Pisorta qarfik sukkulluunniit misissuiartorsinnaavoq.

Imm. 2. Aningaasanik ikisilluni pinnguaatinik ikkussinissamut akuersisummik pigisaqartut pisussaapput Akileraartarnermi Pisorta qarfiup misissuineranni ikiussallugit.

Imm. 3. Akileraartarnermi Pisorta qarfiup misissuiartorlutik isersimanerminni akornusersorneqarnatik aningaasanik ikisilluni pinnguaatinik inimiittunik tamanik misissuinnaatitaassapput.

Imm. 4. Akileraartarnermi Pisorta qarfiup pisortat allat oqartussaasut imaluunniit allat piginnaatissinnaavai, Akileraartarnermi Pisorta qarfiup suleqateqarnikkut ilitsersorneqarnikkullu, misissuinerit imm. 2-mi 3-milu taaneqartut ingerlanneqarnissaanut.

Kapitali 5

Pineqaatissiinerit atulersiisnermillu aalajangersakkat

§ 8. Nalunaarummi uani § 1-imik, § 3-mik, § 4, imm. 1-imik aamma imm. 3-miit 5-mut, § 5-imik, § 6-imik aamma § 7, imm. 2-mik 3-millu unioqqutitsisoqartillugu Akileraartarnermi Pisorta qarfiup kommunalbestyrelse peqqusinnaavaa aningaasanik ikisilluni pinnguaammik ikkussinissamut akuersisummik pigisaqartumut aningaasanik ikisilluni pinnguaammik ikkussinissamut akuersissutit tamaasa pisariaqanngitsumik kinguartiterinani erniinnarlunnaarlutik atulersussamik arsaarinnissutigeqqullugit.

§ 9. Kinaluunniit piaarluni mianersuaalliorujussuarluniluunniit § 1-imik, § 3-mik, § 4, imm. 1-imik aamma 3-miit 5-mut, § 5-imik, § 6-imik kiisalu § 7, imm. 2-mik 3-millu unioqqutitsisoq akiliisinneqarsinnaavoq.

Imm. 2. Akiliisitsissut allaffissornikkut nalunaarutigalugu akuersissutigineqarsinnaanngilaq.

§ 10. Naiunaarut una atortuulissaaq ullormi 1. januar 1997-imi.

Imm. 2. Tamatumunnga peqatigitillugu "tillinniat illuinnarmik talillit" pillugit Namminersornerullutik Oqartussat nalunaarutaat nr. 45, 5. december 1994-imeersoq atorunnaarsinneqarpoq.

Imm. 3. Nalunaarsuiffiit, nalunaarut imm. 2-mi taaneqartoq naapertorlugi Akileraartarnermi Pisorta qarfiup atsiortugit uppersarneqarsimasut, atorsinnaapput piiumasaqaatinillu § 4, imm. 1-imi, imm. 2, nr. 6-imi aamma imm. 3-mi taaneqartunik naammassinnissimasutut isigineqassallutik.

Imm. 4. Komponentinik innaallagissamik atuisunik § 4, imm. 2, nr. 7-imi taaneqartunik ikkussinerit aammalu topspilinik imaluunniit fjernbetjeninginik § 4, imm. 4-mi taaneqartunik ikkussinerit imm. 3-mi

aalajangersagaq apequtaatinnagu § 4, imm. 3 aamma 4 naapertorlugit
uppersaasiisoqarsinnaasariaqarpoq.

Namminersorlutik Oqartussat, ulloq 17. december 1996.

Daniel Skifte

/

Kaare Hagemann

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut